



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ
Տ. ՍԻՍՈՆՅԱՆ



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0025-21

Ձեռնարկողը՝

«ԿԱՄ Դեվելոփմենթս» ՍՊԸ

Ք. Երևան, Միկոյան 18/2

Գործունեությունը՝

Նոր-Նորք վարչական շրջան, Ա. Միկոյան փողոց 18 և 18/1
հասցեներում նախատեսվող արտադրական նշանակության
շինությունների վերակառուցման, պահեստային
շինությունների և պարսպի կառուցման շրջակա միջավայրի
վրա ազդեցության նախնական գնահատման հայտ
քաղաք Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 5 թերթ

թիվ ԲՓ 0025-21

< 01 > 02 2021թ.

Երևան քաղաքի Նոր-Նորք վարչական շրջան, Ա. Միկոյան փողոց 18 և 18/1 հասցեներում նախատեսվող արտադրական նշանակության շինությունների վերակառուցման, պահեստային շինությունների և պարսպի կառուցման շրջակա միջավայրի վրա ազդեցության նախնական գնահատման հայտ

Ներածական մաս.

Ձեռնարկող՝

«ԿԱՄ դեվելոպմենթս» ՍՊԸ

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ

Գործունեության կատեգորիա՝ «Գ» կատեգորիա

Տեղադրման վայրը՝

ք. Երևան, Նոր-Նորք վարչական շրջան

«ԿԱՄ դեվելոպմենթս» ՍՊԸ կողմից ներկայացված նախնական գնահատման հայտով նախատեսվում է Երևան քաղաքի Նոր-Նորք վարչական շրջանի, Ա. Միկոյան փողոց 18 և 18/1 հասցեներում՝ արտադրական նշանակության շինությունների վերակառուցում, պահեստային շինությունների և պարսպի կառուցում (կառուցապատող՝ «Երևանի բեռնատար ավտոտրանսպորտային թիվ 1» ԲԲԸ):

Գործունեությունն իրականացվելու է Երևանի քաղաքապետարանի կողմից տրամադրված 2019թ. մարտի 21-ի N01/18-07/1-Գ-1309-180 ճարտարապետահատակագծային առաջադրանքի հիման վրա, անշարժ գույքի նկատմամբ սեփականության իրավունքի գրանցման վկայականով ամրագրված՝ 1.93381հա, 1.1062հա և 1.16657հա մակերեսով հողամասերում, որոնց նպատակային նշանակությունը՝ արդյունաբերական, ընդերքօգտագործման և այլ արտադրական է, գործառնական նշանակությունը՝ արդյունաբերական օբյեկտների է:

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի, 7) կետի ա. ենթակետի համաձայն նախատեսվող գործունեությունը հանդիսանում է Գ կատեգորիայի գործունեության տեսակ:

Նկարագրական մաս. Նախատեսվող արտադրական նշանակության շինությունների վերակառուցման, պահեստային շինությունների և պարսպի կառուցման տարածքը գտնվում է Երևան քաղաքի Նոր-Նորք վարչական շրջանի, Ա. Միկոյան փողոց 18 և 18/1 հասցեներում: Գործունեության նպատակն է կառուցել սանիտարական կերամիկայի համար նախատեսվող շինություններ:



Գեոմորֆոլոգիական տեսակետից ուսումնասիրվող տարածքն իրենից ներկայացնում է երևան քաղաքի արևելյան եզրամասի հրաբխային բարձրավանդակի փոքրաթեք դելյուվիալ լանջի մի հատված՝ հյուսիսից դեպի հարավ անկումով, որը քաղաքաշինական կառուցապատման հետևանքով ենթարկվել է փոփոխման : Հետազոտվող տեղամասի ռելիեֆի բացարձակ նիշերը տատանվում են 1331-1338մ սահմաններում:

Երկրաբանական կառուցվածքում մասնակցում են չորրորդական ժամանակաշրջանի, էոպլեյստոցեն դարակարգի հրաբխային հոսքերը՝ տուֆերն ու տուֆաբազալտները, որոնց ծածկում են ժամանակակից դելյուվիալ-պրոլյուվիալ և ժամանակակից տեխնածին առաջացումները:

Կառույցի տեխնիկատնտեսական ցուցանիշներն են.

- ընդհանուր տարածքի մակերեսը կազմում է՝ 42065.8 քմ,
- կառուցապատման մակերեսը՝ 15869 քմ;
- կանաչապատման մակերեսը՝ 17122 քմ;
- անջրանցիկ մակերես՝ 9074.8 քմ:

Համաձայն անշարժ գույքի սեփականության N1012014-01-0080 վկայականի տարածքում առկա է յուղման արտադրամաս 1002.66 քմ մակերեսով, իսկ N17012014-01-0111 վկայականի՝ արտադրամաս – 3826.07քմ, ջրավազան 318.27քմ, ծածկ 356.14քմ, հարթակ 19.84քմ, որոնց մի մասը քանդվելու մի մասն էլ վերակառուցվելու են: Մոտակա բնակելի հասարակական շենք շինություններից նախատեսվող պահեստային տարածքները գտնվում են 5.9-50մ հեռավորության վրա:

Գլխավոր հատակագծով նախատեսվում է 14178.75քմ մակերեսով երկու պահակատուն, պահեստային մասնաշենքեր և ավտոկայանատեղի: Վերակառուցվող արտադրական մասնաշենքում նախատեսված են կենցաղային սպասարկման տարածքներ: Կառուցվող պահեստները մեկ հարկանի են, որոնք ունեն սահնանգույցներ: Տանիքները երկլանջ և միալանջ են, նախատեսվում է կազմակերպել ներքին և արտաքին ջրահեռացում: Տարածքը սպասարկում են գոյություն ունեցող չորս մուտքեր, որոնց ավտոտրանսպորտի մոտեցումներն ապահովում են Արտ. Մկոյան և Գալշոյան փողոցների միջոցով: Տարածքը մասնակի կառուցապատված է, բուսահողը բացակայում է:

Համաձայն ՀՀՇՆ IV-11.07.01-2006 շինարարական նորմերի՝ հաշմանդամ և բնակչության սակավաշարժ խմբերի ազատ տեղաշարժման համար, բնակելի շենքերում ձեռնարկվել են համապատասխան միջոցառումներ:

Համաձայն գնահատման հայտի տարածքում բնության հատուկ պահպանվող տարածքներ կամ պատմամշակութային հուշարձաններ չկան:

Նախատեսվող գործունեությունն իրենից ներկայացնում է ժամանակակից լուծումներով և նյութերով իրականացվող շինություն:

Էլեկտրամատակարարումն իրականացվելու է «ՀԵՑ» ՓԲԸ կողմից տրված տեխնիկական պայմանի համաձայն, շահագործման ընթացքում ջերմամատակարարումը կիրականացվի անհատական էլեկտրական սարքերով:

Պահեստային տարածքների ջրամատակարարումը և ջրահեռացումը իրականացվելու է համաձայն տեխնիկական պայմանի միանալով <<Վեոլիա Ջուր>> ՓԲԸ ցանցին, ջրամատակարարումը կիրականացվի Միկոյան փողոցի 18 և 18/1 տարածքների դիմացով անցնող D=500մմ ջրագծից, կոյուղագիծը՝ Միկոյան փողոցի 18 և 18/1 տարածքների դիմացով անցնող D=600մմ կոյուղագծից, որի համար լիցենզավորված կազմակերպության կողմից կիրականացվի նախագիծ:

Տարածքում գազաֆիկացում չի նախատեսվում:

Համաձայն նախնական գնահատման հայտի՝ շինարարական աշխատանքները տևելու են 18 ամիս, որի ընթացքում օգտագործվելու են շինարարական մեքենաներ և մեխանիզմներ, այդ թվում՝ աշտարակային կոունկ, բետոնատար մեքենա, եռակցման ագրեգատ, բոլորողը, շարժական կոմպրեսոր, տոփանիչ, էքսկավատոր, ավտոբետոնատար և այլն:



Շինարարական հրապարակի մակերեսը կազմելու է 500մ², որտեղ պահեստավորվելու են շինարարության համար անհրաժեշտ նյութերը, կայանվելու են շինարարության համար նախատեսվող համապատասխան շինտեխնիկան, ժամանակավոր շինությունները և այլն:

Հողային ռեսուրսների պահպանության նպատակով շինարարական նյութերը տեղադրվելու են բետոնապատ մակերեսի վրա: Շինարարական նյութերից օգտագործվելու են ցեմենտ, մետաղական ամրաններ և այլ կոնստրուկցիաներ, ապակի, փայտ, սրբատաշ և կոպտատաշ քարե շար, երեսպատման նյութեր և այլն:

Շինհրապարակում բետոնի շաղախի պատրաստման հանգույց չի նախատեսվում: Բետոնը և շաղախը մատակարարվելու են Երևան քաղաքի մոտակա բետոնաշաղախային հանգույցից՝ մասնագիտացված տրանսպորտային միջոցներով:

Շինարարության ժամանակ բնառեսուրսներից օգտագործվելու է միայն ջուր՝ աշխատանքային հարթակի ջրցանի, հանված գրունտի և ստացվող ավազի ու խճի խոնավացման, ինչպես նաև շինարարական անձնակազմի խմելու և կենցաղային նպատակների համար: Շինարարության ժամանակահատվածի համար ընդհանուր ջրօգտագործումը հաշվարկվել է ըստ սպասարկող աշխատողների թվաքանակի (35 մարդ) և կազմում է 448.2 խմ/շին. ժամ: 500մ² ջրցանի համար օգտագործվող ջրի ծախսը կկազմի 405մ³/շին.ժամ: Ընդամենը ջրօգտագործումը կկազմի 853.2մ³/շին.ժամ: Անձրևների ժամանակ առաջացող շինարարական հոսքաջրերն ուղղորդվելու են պարզարան (25մ³), որտեղ կատարվելու է մեխանիկական նստեցում: Պարզեցված ջուրը կօգտագործվի տարածքի ջրցանման համար, իսկ փոքր քանակներով նստվածքը կհեռացվի որպես շինադթ:

Շինարարության փուլում տեխնիկական ջուրը կբերվի պայմանագրային հիմունքներով ավտոցիստեմներով: Շինարարության փուլում աշխատողների կոմունալ կենցաղային պայմանները կապահովեն տեղադրելով բիոզուգարաններ, իսկ խմելու ջուրը կմատակարարվի տարաներով:

Բնակելի համալիրի նախագիծը ենթադրում է հողային աշխատանքների իրականացում: Ե/բ հիմքերի տեղադրման համար կատարվելու է մոտ 19615մ³ ընդհանուր ծավալով հողային զանգվածի հանույթ: Հանվող 13730մ³ ծավալով հողային զանգվածը կտեղափոխվի Երևանի քաղաքապետարանի կողմից օրենքով սահմանված կարգով հատկացված վայր, մնացած մասը՝ 5885խմ կարճաժամկետ կապիվի շինարարական հրապարակում և կօգտագործվի որպես հետլիցք: Հողային աշխատանքների իրականացման ընթացքում պայթեցման աշխատանքներ չեն նախատեսվում:

Հիմնական թափոնատեսակը, որը կառաջանա շինարարական աշխատանքների ընթացքում՝ կենցաղային (3150 կգ) և շինարարական (400մ3) աղբն է: Շինարարական աղբը ամբողջությամբ տեղափոխվելու է տեղական ինքնակառավարման մարմինների կողմից հատկացված վայր: Առաջացած կենցաղային աղբը կտեղափոխվի մոտակա աղբավայր՝ Երևան քաղաքը սպասարկող օպերատորի կողմից:

Շինարարական աշխատանքների ավարտից հետո նախատեսվում է տարածքի բարեկարգում և կանաչապատում: Կանաչապատումն իրականացվելու է Երևանի քաղաքապետարանի կողմից համաձայնեցված բարեկարգման, արդիականացման և կանաչապատման նախագծի համաձայն: Զրոյական նիշում կանաչապատ մակերեսը կազմում է 17122մ²: Քանի որ, ըստ գնահատման հայտի շինարարական աշխատանքների իրականացման տարածքում հողաբուսաշերտը բացակայում է, նախատեսվող կանաչապատման աշխատանքների համար անհրաժեշտ կլինի բուսահողի լիցք, որի ձեռքբերումը, տեղափոխումը և օգտագործումը կիրականացվի գործող օրենսդրության պահանջներին համապատասխան: Ըստ կանաչապատման նախագծի նախատեսված է տարածքում տնկել հետևյալ ծառատեսակները՝ թխկի – 10 հատ, գնդաձև իլեկ – 20հատ, գնդաձև սամշիտ – 12հատ, կատալպա – 20հատ, ծիակասկ – 22 հատ, սյունաձև թույա – 18 հատ, փովող գիհի – 8 հատ, ասպիրակ – 18հատ, ֆոռզիցիա – 10հատ:



Օրենսդրությամբ սահմանված կարգով Երևան քաղաքի Նոր Նորք վարչական շրջանի ղեկավարի նստավայրում իրականացվել են հանրային քննարկումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

- Մինչև գործունեության իրականացումն անհրաժեշտ է ՀՀ օրենսդրությամբ սահմանված կարգով ստանալ համապատասխան համաձայնությունները և թույլտվությունները:

- Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսվել լրացուցիչ միջոցառումներ՝ ուղղված բնապահպանական և շինարարական նորմերի պահպանմանը:

- Նախատեսվող շինարարական աշխատանքներն անհրաժեշտ է կատարել օրվա սահմանված ժամերին՝ հնարավորինս նվազագույնի հասցնելով բնակելի տարածքներում աղմուկի և ճանապարհների առավելագույն բեռնվածությունը:

- Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության նորմերը:

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:

- Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

- Նախատեսվող գործունեության իրականացման ընթացքում պահպանել քաղաքաշինական նորմերը և պահանջները:

- Անհրաժեշտ է ապահովել հայտում ամրագրված կանաչապատման աշխատանքների իրականացումը և խնամքը:

ԵԶՐԱՓԱԿԻՉ ՄԱՍ

«ԿԱՄ դեվելոփմենթս» ՍՊԸ կողմից ներկայացված Երևան քաղաքի Նոր-Նորք վարչական շրջանի, Ա. Միկոյան փողոց 18 և 18/1 հասցեներում նախատեսվող արտադրական նշանակության շինությունների վերակառուցման, պահեստային շինությունների և պարսպի կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ փորձաքննական պահանջների պարտադիր կատարման պայմանով:

Գլխ. մասնագետ



Յու. Մատինյան